

Պետության կողմից ««Եռահաղորդակցության հանրապետական կենտրոն»» պետական ոչ առևտրային կազմակերպությանը դրամաշնորհի ձևով տրամադրվող ֆինանսական աջակցության գումարների օգտագործման մասին

ք. Երևան

29 հունվարի 2019թ.

Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարությունը, ի դեմս գլխավոր քարտուղար՝ Ս. Ամիրխանյանի (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և ««Եռահաղորդակցության հանրապետական կենտրոն»» ՊՈԱԿ-ը, ի դեմս՝ գլխավոր տնօրենի պաշտոնակատար՝ Ա.Շահնազարյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին կողմեր), հիմք ընդունելով 2018 թվականի դեկտեմբերի 27-ի ««« 2019 թվականի պետական բյուջեի կատարումն ապահովող միջոցառումների մասին»» թիվ 1515-Ն որոշումը (այսուհետ՝ Որոշում), հեռահաղորդակցության և կապի կանոնակարգման ծառայությունների 2019 թվականի 1-ին եռամսյակի ծրագրի (այսուհետ՝ Ծրագիր) իրականացման նպատակով կնքեցին սույն պայմանագիրը՝ հետևյալի մասին.

1. Պայմանագրի առարկան

- 1.1 Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել 2018 թվականի դեկտեմբերի 27-ի ««« 2019 թվականի պետական բյուջեի կատարումն ապահովող միջոցառումների մասին»» թիվ 1515-Ն որոշմամբ 2019 թվականի 1-ին եռամսյակում նախատեսված՝ 62 000 000 (վաթսուներկու միլիոն) ՀՀ դրամ գումար՝ այդ թվում ԱԱՀ՝ 10 333 333 (տասը միլիոն երեք հարյուր երեսուներեք հազար երեք հարյուր երեսուներեք) ՀՀ դրամ, իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:
- 1.2 Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելվածում:

2. Կողմերի իրավունքները և պարտավորությունները

- 2.1. Պետական մարմինն իրավունք ունի՝
 - 2.1.1 ցանկացած ժամանակ (այդ թվում՝ լիազոր մարմնի միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.
 - 2.1.2 որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 5.1-ին կետով նախատեսված տուգանքը.

- 2.1.3 առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝
- ա. կազմակերպությունը ժամանակին չի սկսում ծրագրի իրականացումը կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,
 - բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),
 - գ. իրականացված միջոցառումները չեն համապատասխանում ծրագրով սահմանված պահանջներին.
- 2.1.4 սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:
- 2.2 Կազմակերպությունն իրավունք ունի՝
- 2.2.1 իրականացված միջոցառման արդյունքը պետական մարմնի կողմից ընդունելու դեպքում պահանջելու վճարել իրեն հասանելիք գումարը:
- 2.3 Պետական մարմինը պարտավոր է՝
- 2.3.1 ծրագրով նախատեսված դեպքերում աջակցել կազմակերպությանը.
- 2.3.2 կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.
- 2.3.3 իրականացնել ծրագրով նախատեսված այլ աշխատանքներ.
- 2.3.4 գործունեության արդյունքների վերաբերյալ ներկայացված ամսեկան հաշվետվությունները քննարկել դրանք ստանալու օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են: Ընդ որում, պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է կազմակերպությանը: Նշված ընթացքում չծանուցելու դեպքում՝ հաշվետվությունը համարվում է ընդունված:
- 2.4. Կազմակերպությունը պարտավոր է՝
- 2.4.1 իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N20 ստանդարտի դրույթներին համապատասխան հաշվառում.
- 2.4.2 պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով.
- 2.4.3 կատարել պետական մարմնի կողմից բացահայտված թերությունների վերացման նպատակով տրված ցուցումները.
- 2.4.4 սույն պայմանագրով սահմանված կարգով պետական մարմին ներկայացնել միջոցառումների իրականացման մասին ամսեկան հաշվետվություն՝ մինչև հաջորդող ամսվա 25-ը.
- 2.4.6 սույն պայմանագրի գործողության ընթացքում ապահովելու ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

- 2.4.7 պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար, պետական մարմնի կողմից սահմանված ողջամիտ ժամկետում, վերացնել արձանագրված անհամապատասխանությունները:
- 2.4.8 ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել <<Գնումների մասին>> Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգ

- 3.1 Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:
- 3.2 Մոնիթորինգն իրականացնում է պետական մարմնի և (կամ) նրա կողմից լիազորված անձի կողմից:
- 3.3 Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և կատարվում են առաջարկություններ:
- 3.4 Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:
- 3.5 Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ ու բացատրություններ:

4. Վճարման կարգը և ժամկետները

- 4.1 Կազմակերպության միջոցառումներն իրականացվում են հաշվետու եռամսյակի ընթացքում, իսկ վճարումներն իրականացվում են ամսեկան՝ կանխավճարային ձևով, յուրաքանչյուր ամսվա առաջին տասն աշխատանքային օրվա ընթացքում:

5. Կողմերի պատասխանատվությունը

- 5.1 Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմնին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 0.5 տոկոսի չափով, իսկ տույժերը՝ 0.05 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

6. Պայմանագրի գործողության ժամկետը

- 6.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը:


7. Անհաղթահարելի ուժի ազդեցությունը (ՖՈՐՍ-ՄԱԺՈՐ)


7.1 Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:


8. Եզրափակիչ դրույթներ


- 8.1 ՀՀ կառավարության կողմից հաստատված ծրագիրը հանդիսանում է սույն պայմանագրի անբաժանելի մասը:
- 8.2 Պայմանագրում կատարվող փոփոխությունները կամ լրացումները իրավաբանական ուժ ունեն, եթե կազմված են գրավոր և ստորագրված են կողմերի կողմից:
- 8.3 Պայմանագիրը կնքվում է 2 /երկու/ օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:
- 8.4 Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. Կողմերի հասցեները, բանկային վավերապայմանները և ստորագրությունները


Գլխավոր քարտուղար՝ Ս. Ամիրխանյան
Գլխավոր տնօրենի պաշտոնակատար՝
տրանսպորտի, կապի և տեղեկատվական
տեխնոլոգիաների նախարարություն
թ. Երևան Վ.Սարգսյան 3/3
ՀՀ ՖՆԱ գործառնական վարչություն
h/h 900011012235
ՀՎՀՀ 02565518




Գլխավոր տնօրենի պաշտոնակատար՝
Ա. Շահնազարյան
Հեռահաղորդակցության
հանրապետական կենտրոն ՊՈԱԿ
ՀՀ ՖՆԱ գործառնական վարչություն
h/h 900018005224
ՀՎՀՀ 01508596





2019թ. Ռադիոէթերի մոնիթորինգի և չափումների գծով իրականացվելիք աշխատանքների քանակակա և ֆինանսական ցուցանիշները

| NN | Չափումներ ըստ մարզերի | Հունվար | | Փետրվար | | Մարտ | | Ընդամենը | |
|----|--|---------|------------|---------|------------|-------|------------|----------|------------|
| | | Քանակ | Գումար | Քանակ | Գումար | Քանակ | Գումար | Քանակ | Գումար |
| 1 | ռադիոէթերի մոնիթորինգի և ազդանշանների տեխնիկական պարամետրերի չափումների անցկացումը | 7 225 | | 7 279 | | 8 059 | | 22 563 | 0 |
| 2 | ռադիոէթերի մոնիթորինգի և բարձր հաճախության սարքավորումների տեղորոշումը | 2 | 13 869 | 2 | 13 869 | 2 | 13 869 | 6 | 41 607 |
| 3 | էլեկտրամագնիսական իրավիճակների չափումների և հաշվարկների իրականացումը | 40 | 336 470 | 40 | 352 940 | 45 | 432 725 | 125 | 1 122 135 |
| 4 | ռադիոէթերի մոնիթորինգի և բարձր հաճախության սարքավորումների տեխնիկական զննումների իրականացումը | 2 | 14 614 | 1 | 4 072 | 3 | 29 855 | 6 | 48 541 |
| 5 | ռադիոէթերի մոնիթորինգի և բարձր հաճախության սարքավորումների փորձարկման անցկացումը | 0 | | 0 | | 0 | | 0 | 0 |
| 6 | ռադիոէթերի մոնիթորինգի և բարձր հաճախության սարքավորումների տեղադրման վայրերում շինարարական աշխատանքների՝ տեխնիկական նորմերին համապատասխանության ընդունումը | 0 | | 0 | | 0 | | 0 | 0 |
| 7 | էթերի խանգարման աղբյուրների հայտնաբերման և վերացման աշխատանքների իրականացումը | 2 | 13 869 | 2 | 13 869 | 2 | 13 869 | 6 | 41 607 |
| 8 | հատկացված հաճախականությունների պլանային չափումների իրականացումը | 1 100 | 9 711 399 | 1 743 | 18 153 312 | 1 928 | 21 244 740 | 4 771 | 49 109 451 |
| | Ընդամենը | | 10 090 221 | | 18 538 062 | | 21 735 058 | | 50 363 341 |

2019թ. Ռադիոկապի կարգավորման և կանոնակարգման գծով իրականացվելիք աշխատանքների քանակական և ֆինանսական ցուցանիշները

| | Մատուցվող ծառայության անվանումը Հեռահաղորդակցության և կապի կանոնակարգման ծառայություններ Նվազագրություն | 1 միավոր աշխատանք ի արժեքը | Ֆինանսական և քանակական ցուցանիշների կանխատեսում | | | | |
|---------------------------------------|---|----------------------------------|--|----|-----|-------------------|--------------------|
| | | | 2019 | | | | |
| | | | I | II | III | Ընդամենը քանակ | Ընդամենը գումար |
| Քանակական | Հայաստանի Հանրապետության հաճախականությունների բաշխումների աղյուսակի կազմումը և այն իրավասու մարմնին ներկայացումը | 524 284 | | | | 0 | 0 |
| | Բոլոր ծառայությունների հաճախականությունների և կապուղիների միջազգային կոորդինացման և գրանցման հաշվարկներ, միջազգային շտեմարանում ներկայացնելու համար անհրաժեշտ նյութերի մշակումը և պլանավորումը | 51 514 | 55 | 55 | 55 | 165 | 8 499 809 |
| | Էլեկտրամագնիսական համատեղելիության, կոորդինացման համար նախատեսված, հեռարձակման գոտիների, խանգարումներից զերծ մնալու ծրագրային հաշվարկներ, պլանավորում և համեմատականների անցկացում | 54 033 | 16 | 16 | 17 | 49 | 2 647 617 |
| | Հայաստանի Հանրապետության և միջազգային ստանդարտներին, ոլորտը կարգավորող իրավական և տեխնիկական նորմատիվ ակտերին համապատասխանության վերաբերյալ իրավասու մարմնին նյութերի տրամադրում | 98 044 | 1 | 2 | 2 | 5 | 490 220 |
| Ֆինանսական << դրամով | Ընդամենը | | | | | 219 | 11 637 646 |


 Գլխավոր քարտուղար՝ Ս. Ամիրխանյան
 << տրանսպորտի, կապի և տեղեկատվական տեխնոլոգիաների
 նախարարություն
 ք. Երևան՝ Վ.Սարգսյան 3/3
 ՀՀ ՖՆԱ գործառնական վարչություն
 հ/հ 900011012235
 ՀՎՀՀ 02565518


 Գլխավոր տնօրենի պաշտոնակատար՝
 Ա. Շահնազարյան
 Հեռահաղորդակցության հանրապետական կենտրոն ՊՈԱԿ
 ՀՀ ՖՆԱ գործառնական վարչություն
 հ/հ 900018005224
 ՀՎՀՀ 01508596